

საქართველოს კომუნიკაციების ეროვნულ კომისიას

წარმოგიდგენთ სს სილქნეტის (შემდგომში სილქნეტი) შენიშვნებს „რადიოსიხშირული სპექტრის განაწილების ეროვნული გეგმის დამტკიცების შესახებ“ საქართველოს კომუნიკაციების ეროვნული კომისიის 2006 წლის 30 ივნისის №6 დებულებაში ცვლილების შეტანის თაობაზე დადგენილების პროექტზე,

როგორც თქვენთვის ცნობილია, კომისიამ ჯერ კიდევ 2023 წლის 3 ნოემბრის Nგ-23-06/2364 წერილით გვაცნობა, რომ სილქნეტის F36 და F54 სიხშირულ ლიცენზიებს, მათი ამოწურვის შემდგომ, ვადა აღარ გაუგრძელდებოდა, რადგან კომისიის განმარტებით ელექტრონული კომუნიკაციების კანონმდებლობა ითვალისწინებს რადიოსიხშირული სპექტრით სარგებლობის ლიცენზიების მოქმედების ვადის მხოლოდ ერთჯერადად გაგრძელების შესაძლებლობას. აღნიშნულ საკითხზე ჩვენი პოზიცია არაერთხელ დავაფიქსირეთ შესაბამისი წერილებით (კერძოდ გაცნობეთ, რომ კომისიის განმარტება რადიოსიხშირული სპექტრით სარგებლობის ლიცენზიების მოქმედების ვადის მხოლოდ ერთხელ გაგრძელების შესაძლებლობის შესახებ წინააღმდეგობაში მოდის კანონის 49-ე მუხლთან, ისევე, როგორც კომისიის პრაქტიკასთან).

როგორც გამოქვეყნებული დოკუმენტებიდან ვხედავთ, კომისია ამ შემთხვევაში, რადიოსიხშირული სპექტრის ეროვნულ გეგმაში ცვლილების შეტანის გზით გეგმავს განახორციელოს ზემოაღნიშნული. საჯარო ადმინისტრაციული წარმოების დაწყების თაობაზე კომისიის N გ-24-23/238 გადაწყვეტილებასა და განმარტებით ბარათში აღნიშნულია, რომ დედამისიწის მიმართ დაბალორბიტალური NGSO თანამგზავრული მომსახურებების დანერგვისა და განვითარების ხელშეწყობის მიზნით 10 – 12 გჰც სიხშირულ დიაპაზონში (სადაც სილქნეტი F36 და F54 ლიცენზიებით სხვადასხვა გეოგრაფიულ

მ-24-7/2926
05.07.2024
3ფურც.

არეალში ფლობს რადიოსიხშირულ რესურსს) ე.წ. „მიტრისის“ სისტემების ფუნქციონირების ვადა შეიზღუდება ლიცენზიების მოქმედების ვადებით;

კიდევ ერთხელ განვმარტავთ, რომ ელექტრონული კომუნიკაციების კანონი კომისიას არ აძლევს შესაძლებლობას ყველა დიაპაზონისა და ლიცენზიის მიმართ გამოიყენოს 47² და/ან 47³ მუხლებით განსაზღვრული ლიცენზიის ვადის გაგრძელება/არ გაგრძელების სპეციალური რეჟიმი, რომელიც დაკავშირებულია რადიოსიხშირული რესურსის ჰარმონიზაციასთან. კერძოდ კანონის 47³ (3) პუნქტის თანახმად მხოლოდ ევროკომისიის შესაბამისი გადაწყვეტილებებით ელექტრონული საკომუნიკაციო მომსახურებებისა და მიწისზედა სისტემებისათვის განკუთვნილი დიაპაზონების ჰარმონიზებული ტექნიკური ნორმებისა და პარამეტრების შესაბამისად დაგეგმვისა და დანაწილების მიზნით „რადიოსიხშირული სპექტრის განაწილების ეროვნულ გეგმაში“ ისეთი ცვლილების შეტანისას, რომელიც შეუძლებელს ხდის არსებული და ახალდაგეგმილი ან დანაწილებული რადიოსიხშირების ტექნიკური ნორმებისა და პარამეტრების ერთად შენარჩუნებას, აგრეთვე ელექტრონული საკომუნიკაციო ტექნოლოგიების თანაარსებობას, კომისია უფლებამოსილია ამგვარი რადიოსიხშირული რესურსით სარგებლობის ლიცენზიის მფლობელს არ გაუგრძელოს ლიცენზიის მოქმედების ვადა შემდგომი ვადით.

შესასაბამისად, კომისია მოკლებულია შესაძლებლობას რადიოსიხშირული სპექტრის ეროვნულ გეგმაში ცვლილებების შეტანის გზით შეზღუდოს F36 და F54 ლიცენზიების გაგრძელების უფლება და შესაძლებლობა.

დამატებით, გარდა იმისა, რომ F36 და F54 ლიცენზიებით სილქნეტის სარგებლობაში არსებული სიხშირული რესურსი (10 – 12 გჰც დიაპაზონი) არ წარმოადგენს ევროკომისიის გადაწყვეტილებით ელექტრონული საკომუნიკაციო მომსახურებებისა და მიწისზედა სისტემებისათვის ჰარმონიზებულ დიაპაზონს, სილქნეტის მიერ F36 და F54 ლიცენზიების ფარგლებში დანერგილი მომსახურება და თანამგზავრული მომსახურებები, მათ შორის დედამისიწის მიმართ დაბალორბიტალური NGSO თანამგზავრული მომსახურება, დღესაც უპრობლემოდ თანაარსებობს და ხელშეშლებს ადგილი არ ქონიათ. დამატებით გასათვალისწინებელია ის ფაქტიც რომ 10.7 - 11.7 გჰც, 11.7 - 12.5 გჰც და 12.75 - 13.25 გჰც სიხშირული ზოლები, რომლის ფარგლებშიც სილქნეტი ფლობს რესურსს, ITU-ს რადიო რეგულაციების, CEPT-ისა და საქართველოს ეროვნული გეგმის თანახმად, გარდა თანამგზავრული მომსახურებებისა, ასევე ე.წ. co-primary საფუძველზე (თანაბრად პირველადი განაწილება) განკუთვნილია ასევე ფიქსირებული სერვისებისათვის, რაც კიდევ ერთხელ ცხადყოფს, რომ მოცემულ

დიაპაზონებში შესაძლებელია სხვადასხვა ტექნოლოგიებისა და მომსახურებების წარმატებით თანაარსებობა.

აქვე უნდა აღინიშნოს, რომ F36 და F54 ლიცენზიებით დღესაც არის გათვალისწინებული ხელშეშლების თეორიული ალბათობა და დღესაც განსაზღვრულია ლიცენზიის მფლობელის ვალდებულება 11.7-12.5 გჰც და 12.5-12.75 გჰც სიხშირეებზე ფუნქციონირებისას არ გამოიწვიოს საზიანო ინტერფერენციები თანამგზავრული სისტემების მიმართ.

ყოველივე ზემოაღნიშნულის გათვალისწინებით მიგვაჩნია, რომ კომისიის მიერ F36 და F54 ლიცენზიებთან და 10 – 12 გჰც დიაპაზონთან დაკავშირებით დაგეგმილი ცვლილებები, რომელიც მიზნად ისახავს F36 და F54 სიხშირულ ლიცენზიებს არ გაუგრძელდეს მოქმედების ვადა, გარდა იმისა, რომ წინაღმდეგობაში მოდის კანონმდებლობასთან, ასევე დაუსაბუთებელია და შესაბამისად არ უნდა განხორციელდეს.

პატივისცემით,

გენერალური დირექტორი

დავით მამულაიშვილი